



Publicaziuns dalla vischnaunca, jamna 40

Damonda da baghegiar

Nr. 2010-1050

Datum da publicaziun: 8 d'october 2010

Il patrun: Pencilaras Mustér SA, Via Acletta 2, 7180 Disentis/Mustér

Il representant: Pencilaras Mustér SA, Via Acletta 2, 7180 Disentis/Mustér

Object: Bar cun restauraziun, parcella 500, Via Acletta 2, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla in stanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 4-10-2010

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2010-1036

Recal AG, Via Alpsu 49, 7180 Disentis/Mustér; completaziun dil baghetg cun ina habitaziun, parcella 3626, Via Lucmagn 24, 7180 Disentis/Mustér.

Nr. 2010-1046

Andersson & Partner, Café bar Nangijala, Via Alpsu 43, 7180 Disentis/Mustér; Midada d'intent dil baghetg annex (endrizzar ina stizun), parcella nr. 536, Via Alpsu 43, 7180 Disentis/Mustér.

Nr. 2010-1047

Repower Ilanz AG, Glennerstrasse 22, 7130 Glion; staziun da transformaziun, parcella 3626, Via Lucmagn, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 4-10-2010

Uffeci da baghegiar Disentis/Mustér

Cussegl da vischnaunca *Elecziun complementara*

Ils 26 da settember 2010 ha la cuminonza dils votants eligi Madlen Deflorin-Spescha sco nova commembra dalla suprastanza communal. Ella remplazza naven dall'entschatta 2011 genau Hans Huonder, che ha giu abdicau sin la fin 2010. Cordiala gratulaziun alla nova geraua sco era cuntentientscha e satisfacziun en quei impu tont uffeci.

Entras quella elecziun sto in commember dil cussegl da vischnaunca vegnir remplazzaus. Tenor art. 30 dalla lescha davart ils dretgs politics declara la suprastanza communal en in tal cass quella persuna per eligida, che ha contonschiu tier las davosas elecziuns las biaras vuschs dils candidats buca eligi. Cunquei che la persuna pertuccada, Toni Huonder, desista da surprendre la successiun, vegn instradau ina elecziun complementara pil rest dalla perioda d'uffeci 2009–2012.

La suprastanza communal ha, conform alla lescha davart ils dretgs politics, fixau ils suandonts datums:

L'elecziun complementara d'ina commembra ni d'in commember el cussegl da vischnaunca ha liug **dumengia, ils 28 da november 2010**. Vischinadis, partidas politics localas ni gruppas da silmeins 15 votants san proponer entochen 30 dis avon l'elecziun candidatas e candidats. Las propostas ein da far a scret e d'inoltrar entochen **gievgia, ils 28 d'october 2010** all'administraziun communal.



Suprastonza communal

Cumissiu per sclarir las incaricas dils vischinadis

En sia seduta dils 27 da settember ha la suprastonza communal eligi ina cumissiu ch'examinescha las incaricas dils vischinadis. Plinavon duei ella ponderar d'introducir ina conferenza dils presidents dils vischinadis, che duei denter auter coordinar las propostas ed era saver far senza proposiziuns per mauns dallas elecziuns communalas. La cumissiu secumpona dils presidents dils vischinadis e d'in representant dalla PCD e dalla UCP e vegn presidiada da *Wendelin Jacomet-Di Nolfi*.

Suprastonza communal

Controlla da habitonts

Naschientschas

Scheuber Lina, naschida ils 9 d'uost 2010, feglia da Scheuber naschida Bieber Nicole e Pascal.

Benesova Lea, naschida ils 14 da settember 2010, feglia da Benesova Vera e Carigiet Ciril.

Schwarz Mara, naschida ils 23 da settember 2010, feglia da Schwarz naschida Schneller Sina e Fabian.

Mortoris

Anna Desax-Maissen, naschida ils 19-5-1921, morta ils 30-9-2010.

Sebastian Jacomet-Deflorin, naschius ils 30-11-1920, morts ils 4-10-2010.

Staziun d'anugls Disentis/Mustér: Adatg niev!

Punctaziun d'anugls

sonda, ils 9 d'october 2010 allas 9.30 a Trun.

Invitaziun alla radunonza generala dall'uniun Indoor-Festival

Sonda, ils 9 d'october 2010

allas 20.15 el hotel Cucagna, Mustér.

Tractandas:

1. Beinvegni
2. Elecziun da dus dumbravuschs
3. Approbaziun dil protocol dalla davosa radunonza generala
4. a) rapport dil president
b) rapport dil cassier
5. Approbaziun dil quen annual e rapport dils revisurs
6. Budget 2011
7. Elecziuns: actuar, in assessur ed in revisur da quen
8. Entradas/extradas
9. Contribuziuns annualas
10. Informaziuns Raiffeisen Indoor-Festival 2011
11. Varia

A caschun dil Raiffeisen Indoor-Festival 2010 havein nus registrau in DVD. Quella presentein nus a tut tgi che ha interess suenter la radunonza.

Cordialmein envida *suprastonza Uniun Indoor-Festival*

Trenament dad unihoc

per affons da scola (1.–4. classa) el center da sport e cultura Mustér

Entschatta dils trenaments: **mesjamna, ils 13 d'october 2010** dallas 18.00–19.00.

Persuna da contact: Florian Zanin, florian.zanin@sunrise.ch, 076 565 11 80



Club da jass Surrein enquera commembras ni commembers novs

Mira sut Sumvitg.

Kurs Babysitting vom Schweizerischen Roten Kreuz (SRK)

Siehe unter Ilanz.

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Vies team dalla ludoteca

Praulas e historias cun Mats, la miur

Eis ti denter 2 e 6 onns?

Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpresas e quei mintga gada il secund venderdis dil meins dallas 14.30 entochen ca. allas 15.30 uras. Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surpresas!
Cun ils pli cars salids e sin seveser tochen gleiti.

Mats, la miur ed il team dalla biblioteca populara, Mustér

Termins:

8 d'october, 12 da november, 10 da december 2010, 14 da schaner, 11 da fevrer, 11 da mars, 8 d'avrel, 13 da matg ed ils 10 da zercladur 2011.

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.



**La biblioteca populara presenta uniuns localas:
Naven dils 13 da settember entochen ils 8 d'october 2010 sepresenta l'uniun da costums Mustér.**

Biblioteca populara Mustér